



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

2. S. Thomas Archiepisc. Regaliæ abusus impugnat, & hæc ei necis causa
&c.

urn:nbn:de:hbz:466:1-38277

perantis, ac irâ concitati ratione submotâ : nec enim omnis calor vitalis est; aliquis ex morbo, febrique provenit. Qui verò omnia Principi concedat, ac etiam erranti obsequatur, is planè nec Episcopum se, nec Pastorem meminit; quippe pereunte videt, si lètque, & tamen revocare poterat precipitio ostendo; cùm enim non voluntate, & proposito Principes delinquent, in Ecclesiis præsertim; sed aut errore, aut consilijs inducti, nullâ remagis curari, pervertique possunt, quâm aut nudata, aut suppressâ veritate. Nec alios repieres minoris in Reges suos fidei, quâm qui perpetuis adulationibus eos demulcent; spe enim, & quæstu ducuntur, non eorum obsequio, & reverentiâ; quod si præmia submoveas, aut aliunde majora ostententur, cùdem facilitate, quâ Deum, & conscientiam, etiam Principe exuent, Sirenes in cantum æquè, & naufragium parat.

II. Unam ex præcipuis causis, quæ S. Thomæ Cantuariensi exilium, mortemque atrulit, Regaliam fuisse, certum est, Henrico II. Angliae Rege fructus vacantium Ecclesiârûm usurpante, novâsque electiones, quò diutius frui posset, in longum trahente, quem abusum cùm S. Thomas non ferret, gratiâ, & vitâ excidit. (a)

Anno 1162. ex Regni Cancellario ad Archiepiscopatum Ecclesiâ Cantuariensis proiectus est. Florebat tunc temporis eximia Regis sui gratiâ; quippe morum venustate, ingenio seris æquè, ac jocis prompto; litterarum, juris præsertim, insigni periitiâ; memoriam omnium, quæ semel legislet, audiflètque, tenaci; præcipuâ denique in Principe fide, & industria omnium laborum viatrice sibi aulam devinxerat; accesserant alia, in Clerico quidem haud commendanda, sed tamen Principe chara, luxus videlicet domesticæ suppelleftilis, vestitus apparitor, & prope pompam; convivia magnifice instructa, famulantium copia, more sed Regis genium compositi, ac idè grati, & denique quidquid vanitatem redolet; sed, quod in aulico mireris, præcipuâ intactâque castitate, & amorum rudi: altâ nocte, qui eum observabant, cùm crederent formosissimæ cujusdam, ac olim Regi perditæ, amplexibus frui (nam istum donis, ac blanditijs captabat) genibus

(a) Vide vitam S. Thom. cap. 15. & epist. 109. & ibid. in libello consuetud. cap. 12. Wilhelmus Briton. lib. 8. Philippid.

genibus nixum, & inter preces somno, ac fatigatione oppressum reperere. Hac ergo vanitatis juxtā, & virtutum mixturā Regem sibi, Clericūque devinxit, omniūque Episcoporum votis, qui Londonum convenerant, Archiepiscopatum meruit, Monachis tantum, qui Ecclesiam Cantuariensem obtinebant, adversantibus; (a) quippe, & hominis luxum, & potentiam Regis favore subnixam, infestāque Ecclesijs metuebant, sed eventus aliorum spes, aliorum metus fefellit; ipse tamen omnium acerrimè hanc dignitatē repulit, & Rege ad omnia, quae objectabat, immoto, certamini præludens: (b) *Scio, inquit, quia si Christo disponente sic acciderit, citissimè animum auferes à me, & gratia, que inter nos tanta est, in atrocissimum odium converteretur.* Novi enim te nonnulla exacturum, & in Ecclesiasticu te jam multa præsumere, quae ego animo sustinere non possum. Ubi vides, cùm Cancellarium ageret, jam tum præsensisse tempestatem, & ventis, quos Regia cupiditas excitabat, oblictari solitum, vinci tamen se ferebat, gratiae, & potentiae anxius, Regiq; obsequebatur invitā conscientiā, quae causa est Joanni Saresberiensi, (c) ut eum ministrum iniuriatū appelle. Sed animum cum aula mutavit; quamquā & in aula invitum se teneri, honestimque exitum propicere, sàpè amicis suis inter lacrymas professus est. (d) Sacris potitus censorem sibi, observatōremque posuit, à quo, quid Archiepiscopum dedecret, hominēisque offenderet, moneretur: vestis intima cilicum, & post hoc Monachi habitus; (e) (audierat enim, quotquot sine hac veste cathedram Cantuariensi. insedissent, infelici morte sublatos) ac demum scriba, & quae Antistitem deceret. Canonum, Legumque arditius, quām par esset, studium, dehortante per litteras Saresberiensi, cuius hæc verba: (f) *Profumi quidem leges, & Canones, sed mihi credite, quia nunc non erit hū opus: non hoc ista sibi posuit spectacula tempus: malem vos Psalmos ruminare, & B. Gregorij Morales libros revolvvere, quām Scholastico more Philosophari.* Profecit monitio, adjecitque animum sacrae Scripturæ studijs; has nocti, has mensæ, ac etiam itineri miscet; plerimque cum iter ageret, ab itinere divertens, ut vel

Scriptu-

(a) Vide Heribert. in vita cap. 6. (b) Heribert. in vita cap. 6. (c) Joan. Saresb. ep. 140. (d) Joan. Saresb. in vit. cap. 5. (e) Baron. ad an. 1162. n. 21. & Spond. ibid. (f) Saresber. epist. 31.

Scripturas legeret, vel cum alio conferret; mensæ perpetua lectio; nocte intempestâ Psalmos canere; post cantum tredecim pauperibus mensa sternebatur, præcinctus ipse ministrum agere, pedibus advolvi, aquam juxta, lacrymâque affundere: sequebatur largitio quaternis in singulos argenteis: tum brevis, & delibatus somnus, post quem sacri codices, & cœlestium meditatio in tertiam diei horam producta, nullis interim admissis, qui obstreperent, prophanisque negotijs mentem turbarent. A tertia sacrâ operabatur, nec tamen quotidie, quod se indignum, imparatûmque crederet: tanta verò sacra peragenti vis lacrymarum, ut plures gemitus, quam verba essent. Diei nonâ mensæ assidebat, lautæ quidem, & Regio ministro dignæ, sed quam præ dapi bus lectio condiebat, & eruditorum, qui magno numero admittebantur, sermocinatio; reliquam diem negotia occupabant: munerum perpetuus contemptus, nec ei tantum, sed aulæ toti, quam copiosam alebat. Non nemo cùm negotijs causâ in Palatio esset, & solemni, recepto quemore nunchos, nunc illos auro tentaret, omnibus respuentibus: Curiam, inquit, plusquam auream inveni, qua non solum post aurum non abiit, sed aurum abiicit, ffernit, & calcat. Sunima, & profusa liberalitas, in pauperes præsertim, quibus terna in dies convivia, intempestâ videlicet nocte, sub auroram, meridiemque. Hæc necessariò commemoranda duxi, ut & sanctum fuisse memineris, quem pro aris confluantem videbis, & tamen mundi, aulæque gnarum, nec ex eorum numero, qui sanctitatem quidem colunt, sed rudem, agrestemque, & ideò saeculi nostri moribus haud gratam. Vix annus fluxerat, cùm prima odiorum initia prorupere, parvis quidem momentis ducta, sed semper majora, ac tandem implacata.

III. Causæ indignationis istæ. Quod officium Cancellariae abdicasset, quippe viribus vix sacra Prefectura paribus: quod vacantium Ecclesiastarum fructus, qui inveterato jam more fisico addicebantur, non Regi, sed Ecclesia deberi diceret: quod Clericos scelerum compertos Regijs Magistratibus tradi nollet, punirièque quidem, sed mitius, quam Regi placeret: quod agros, ditionesque Ecclesia ab Antecessoribus alienatas, oblati pretijs repeteret, hinc potentiorum odia, clam quidem habita, sed occasiō, & vindictæ intenta: quod Regi, an Regias consuetudines observare vellet? petenti, yelle se respondit, sed salvo ordine suo:

quam